

792—796? cum illis, et vestra accumuletur merces pro illis. Ecce adest gérulus fidelis, filius equidem meus Angilbertus^a, per cuius manum mittere poteris¹, quod vester^b animus nobis dirigere curaverit^c. Obsecro, ut^d veraciter perficias, quod hilariter promittebas. Si quid^e enim benignitas vestra huius relegiosae^f petitionis^g peregerit, humilitas nostra gratissime accipiet vobisque secundum temporis oportunitatem et voluntatis vestrae⁵ agnitionem remunerare non desistet^h. Et ubicumque sanctorum patrociniⁱ perferruntur, ibi cotidie orationes pro vobis^k aguntur. Divina te ubique comitetur benedictio, sanctissime pater.

76.

Alcvinus Remedio Curiensi episcopo² pro muneribus acceptis gratias agit; admonitiones addit. 792—796? 10

Codd. T fol. 73 (T fol. 68)^a.*

Edd. Q 57, F 133, J 264. — Migne col. 445.

VENERANDO PATRI REMEDIO EPISCOPO HUMILIS LEVITA ALCHVINUS SALUTEM.

Acceptis caritatis vestrae muneribus, multum laetati sumus de prosperitate vestra seu quod memoriam nostri habetis; sperans me misericordia divina participem esse 15 per vestras sanctissimas orationes. Caritas vero inter amicos melior est auro et fides inter absentes praetiosior gemmis, ubi Deus tantummodo considerat et remunerat. Vos quod vestrum est diligentissime exsequimini et accepta dominicae pecuniae talenta multiplicare, ut cum gaudio ante conspectum summi regis venire digni efficiamini, et vocem illam audire desiderabilem: 'Euge, serve bone et fidelis, intra in 20 gaudium domini tui'. Nunc tempus est laborandi, tunc quiescendi; nunc promerendi, tunc remunerandi. Fac ut sis, ut tibi veniat quod vis. Dilige diligentem te, quatenus ad beatissimam illius sessionem pervenire merearis et dicere: 'Sicut audivimus, ita et vidimus in civitate Dei nostri', in qua est tota felicitas et nulla perturbatio, summa requies et sempiterna beatitudo. Vestram^b omnipotens Deus sanctitatem in 25 omni bono florere faciat, venerande pater.

77.

Alcvinus Remigio (Remedio) episcopo Curiensi negotiatorem commendat utque pro anima Iosephi discipuli precetur, petit. 791—796.

Codd. T fol. 82 (T fol. 84')^a.*

Edd. Q 74, F 132, J 213. — Migne col. 445.

^a) Engilbertus K 1, A 1*; Engilpertus K 2. ^b) ur̄t T*. ^c) curavit K, A 1*, corr. al. manu in curabit A 1*. ^d) om. K 1, A 1*. ^e) Si quidem T*. ^f) religiose post corr. in -sq T*; religiosae A 1*. ^g) petitionis K 1. ^h) desistit K, T*. ⁱ) ubicumque patr. sanct. A 1*. ^k) pro vobis om. K 1.

76. ^a) Lemma: Alchvinus ad Remedium episcopum T*. ^b) vestra T.

77. ^a) Lemma: Albinus ad Remigium episcopum T*.

1) In itinere scilicet Romano, quod Angilbertum ter, annis 792. 794. 796. fecisse scimus. 2) De cuius aetate nihil certi constat. Anno 820 obiisse dicitur, cf. Libri confraternitat. ed. Peiper p. 35. 360. Epistolam omnibus temporis notis carentem cum ea, quae sequitur, coniungere placuit.